

इवनिंग डोगरी न्यूज़ बुलेटिन
समे .18:15 Hrs

<><><><><><>

Headlines

1. उपराज्यपाल मनोज सिन्हा होरें आखेआ जे राश्ट्री शिक्षा नीति तैहत स्कूलें च काबलेजिक सुधार दिक्खने गी लब्बा'रदा ऐ।
2. मुखमंत्री उमर अब्दुल्ला होरें आखेआ जे जम्मू-कश्मीर च हाड करी प्रभावित इलाकं च उनें लोकें गी 5 मरला जिमी दित्ती जाहग जिंदे कोल जिमी नेई ऐ, एहदे लेई कागजी कार्रवाई जारी।
3. राई-बाई मंत्री जावेद डार होरें आखेआ जे हाडें करी तकरीबन 20.9 करोड़ रपे दी कीमत आहली फसलां बर्बाद होइयां न, इस सिलसिले च केंद्र गी ग्रांट लेई गुजारश कीती जाहग।
4. सिविल हवाबाजी मंत्रालय ते भारती ब्हाई अड्डा प्राधिकरण आसेआ तैनात 5 मिम्बरी विशेष टीम कल किशतवाड दा दौरा करग ते उत्थे प्रस्तावित ब्हाई अड्डे दी स्थिति दा जायजा लैग।
5. ते जम्मू-कश्मीर दे रक्षक ब्रिगेडियर राजिंद्र सिंह हुं'दा शहादत आहला ध्याडा अज्ज देशभक्ति दी भावना ते जोश कन्नै मनाया गेआ।

<><><><><><>

LG-NEP

उपराज्यपाल मनोज सिन्हा होरें आखेआ जे जम्मू-कश्मीर च शिक्षा सरिस्ता राश्ट्री शिक्षा नीति दी अमलावरी करी केई सारे बदलावें थमां लंघा'रदा ऐ। एहदे कन्नै केंद्र शासित प्रदेश दे सरकारी स्कूलें दी कारकरदगी च खासा बदलाव आवा'रदा ऐ। श्रीनगर दे कोठी बाग हायर सेकेंडरी स्कूल च आयोजित कार्यक्रम च बोलदे होई उपराज्यपाल होरें आखेआ जे राश्ट्रीय शिक्षा नीति नै शैक्षणिक परिदृश्य च सकारात्मक बदलाव आहनेआ ऐ। सरकारी सकूली दी कारकरदगी टकोदा करिए बेहतर होई ऐ ते एह सब राश्ट्री शिक्षा नीति दी अमलावरी करी ऐ। इस मौके पर बोलदे होई उपराज्यपाल होरें आखेआ

<><><><><><>

CM-landless People

जम्मू-कश्मीर सरकार नै अज्ज आखेआ जे केंद्र शासित प्रदेश दे हाड़ प्रभावित इलाकें च उनें लोकें गी 5 मरला जिमी उपलब्ध करोआई जाग जिंदे कोल जिमी नेई ऐ ते एहदे लेई लोड़चदी कागजी कार्रवाई जारी ऐ। जम्मू नार्थ थमां विधायक शाम लाल शर्मा हुं'दे आसेआ विधानसभा च इस बारै पुच्छे गेदे इक सोआलै दा परता दिंदे होई मुखमंत्रि उमर अब्दुल्ला होरें जानकारी दित्ती जे सरकार नै हाल च आए दे हाड़ें करी प्रभावित लोकें दे पुनर्वास लेई कोई नमीं नीति तैयार नेई कीती दी ऐ पर जिने लोकें कोल जिमी नेई ऐ, उनेंगी जित्थे बी उपलब्ध होग, 5 मरला जिमी पट्टे पर दित्ती जाग। इस बारै बोलदे होई मुखमंत्रि होरें आखेआ

<><><><><><>

Crop Losses

जम्मू-कश्मीर सरकार नै राई-बाई ते एहदे कन्नै जुड़े दे क्षेत्रें गी हाड़ें करी होए दे नुकसान दा आंकलन करिए रिपोर्ट तैयार कीती ऐ। इस रिपोर्ट मूजब 209 करोड़ रपे दा नुकसान इस दरान राई-बाई सैक्टर गी होआ ऐ। राई-बाई मंत्री जावेद डार होरें पीडीपी विधायक वहीद परा हुं'दे आसेआ विधानसभा च पुच्छे गेदे सोआले दे पते च आक्खी। उनें आखेआ जे केंद्र गी रिपोर्ट भेजी जाग ते असें'गी मेद ऐ जे केंद्र आसेआ एह सहायता उपलब्ध करोआई जाग।

<><><><><><>

Vigilance-Awareness

लोक प्रशासन च रमानदारी ते पारदर्शिता गी बढ़ावा देने दे मकसद कन्नै उधमपुर दे डी.सी दफ्तर कांफ्रेंस हाल च सतर्कता जागरूकता हफ्ते दा औपचारिक उद्घाटन कीता गेआ। कार्यक्रम च बड़ी मती गिनतरी च जिला सतह दे अफसरें ते मुलाजमें दी सक्रिय भागीदारी दिक्खने गी लब्बी। उधमपुर दियां डिप्टी कमिशनर होरें इस कार्यक्रम च शिरकत कीती जिसलै के भ्रष्टाचार रोधी ब्यूरो दे डीएसपी गुरमीत सिंह होरें सरकारी कम्मकाज च रमानदारी, पारदर्शिता ते जवाबदेही दे महत्व पर लोहू पाई। कार्यक्रम दरान मुतल्लका अफसरें कर्मचारियें गी भ्रष्टाचार दे माड़े असर बारै जागरूक कीता ते सभनें प्रतिभागियें गी भ्रष्टाचार खलाफ संगंध बी दोआई। आकाशवाणी समाचार कन्नै गल्ल करदे होई उधमपुर दे भ्रष्टाचार रोधी ब्यूरो दे डीएसपी गुरमीत सिंह होरें आखेआ

<><><><><><>

Kishtwar-Airport

भारत सरकार दे सिविल हवाबाजी मंत्रालय ते भारती ब्हाई अड्डा प्राधिकरण आसेआ 5 मिम्बरी उच्चि सतह दी बशेष टीम उड़ान स्कीम तैहत किशतवाड़ च ब्हाई अड्डा विकसित करने बारै प्रस्ताव दी स्थिति दा जायजा लैने लेई कल किशतवाड़ पुज्जग। दिल्ली परतोने पर एहू टीम अपनी रिपोर्ट आला अधिकारिएं गी सौंपोग जेह्दे मगरा अगगे दी रूप-रेखा तय कीती जाह्ग। इक सोशल मीडिया पोस्ट पर इस बारै जानकारी सांझी करदे होई केंद्री मंत्री डॉ. जितेंद्र सिंह होरें आखेआ जे एहू प्रधानमंत्री नरेंद्र मोदी हुं'दा दूर-दरेडे इलाकें पर बशेष ध्यान देने दा गै नतीजा ऐ जे नेहू इलाकें दे विकास लेई स्हाढे हर इक अनुरोध ते पैहलकदमियें गी म्हेशां सकारात्मक प्रतिक्रिया थोई ऐ।

<><><><><><>

Brigadier Rajinder

उपराज्यपाल मनोज सिन्हा होरें अज्ज कश्मीर दे रक्षक खोआने आहले शहीद ब्रिगेडियर राजिन्दर सिंह होरें गी उं'दी बरसी दे मौके पर शरदांजलि भेंट कीती जि'नें 1947 च पाकिस्तान आसेया कीते गेदे हमले दौरान देसै दियें सीमाएं दी राखी करदे होई अपनी जिंदू दा बलिदान देई दित्ता हा। बक्ख-बक्ख लीडर ते आम लोक बी उं'दी पुन्य तिथि दे मौके पर उं'दी दलेरी ते त्याग गी चेता करदे होई उनें'गी भावे-भरोची शरदांजलि भेंट करै करदे ना। तोंआई अज्ज गै 79में शौर्य दिवस जिसी पैहले इन्फैन्ट्री-डे आखेया जंदा हा दे मौके पर लोक 1947 च पाकिस्तानी फौज दी अगुआई च कश्मीर पर कीते गेदे हमले गी नाकाम बनांदे होई अपनी जिंदू दा बलिदान देने आहलें शहीदें गी चेता करदे होई शरदांजली भेंट कीती जा'रदी ऐ।

<><><><><><>

Add Brigadier Rajinder

इस्सै दुरान ब्रिगेडियर राजेंद्र सिंह हुं'दे शहीदी दिवस पर उन्दे जद्दी ग्रांऽ बगुना च बी कार्यक्रम दा आयोजन होआ। ब्रिगेडियर राजेंद्र सिंह होरें'गी मरनोपरेंत महावीर चक्र कन्नै सम्मानित कीता गेआ हा। बगुना च कार्यक्रम गी ब्रिगेडियर राजेंद्र सिंह कमेटी आसेआ करोआया गेआ। इस मौके पर बोलदे होई साबका सरपंच ब्रिजपाल सिंह होरें आखेआ

इस दिन दी अहमियत गी दर्शांदे होई डीडीसी मिम्बर विजयपुर-बी सुदर्शन सिंह सलाथिया होरें आखेआ

<><><><><><>

Tour-Farmer

उधमपुर जिले थमां 10 करसानें गी 5 रोजा सिखलाई कार्यक्रम लेई डी.सी दफ्तर उधमपुर थमां डिप्टी कमिशनर सलोनी राय होरें रवाना करोआया। एहू लोक श्रीनगर दे सेंट्रल इंस्टीच्यूट ऑफ टेम्परेट हार्टीकल्चर-(सी.आई.टी.एच) च सिखलाई लैडन। इस प्रोग्राम दा आयोजन बागवानी मैहकमे उधमपुर आसेआ राईबाई

टेकनालजी प्रबंधन एजेंसी दे बैनर हेठ कीता गेआ। एहदा मकसद राई-राई राई-बाई सरबंधी तौर तरीके ते सेवाएं गी बेहतर बनाना ऐ। एह सिखलाई 31 अक्तूबर तगर दिती जाग। इस दरान उन्दे हुनर ते सलाहित च बाद्दा कीता जाग। इस मौके पर बोलदे होई उधमपुर दियां डिप्टी कमिशनर सलोनी राय होरें आखेआ

इस मौके पवर बोलदे होई इक करसान कश्मीर सिंह होरें आखेआ

<><><><><><>

Natural-Farming

के.वी.के किश्तवाड़ ते कृषि सखी आसेआ एन.एफ कलस्टर तैहत कुदरती राईबाई मिशन तैहत पंजीकृत करसानें लेई कुदरती राईबाई सिखलाई ते जागरूकता कार्यक्रम दा सरिस्ता मारवाड़ी-सी पंचैत कुरलुर च कीता गेआ। एहदे च तकरीबन 100 मुकामी करसानें हिस्सा लैता। के.वी.के किश्तवाड़ थमां साईसदान डॉ. अमितेश होरें आखेआ

<><><><><><>
